



Inatsisartunut ilaasortaq
Hans Aronsen, Inuit Ataqtigiit

§ 37 tunngavigalugu apeqquteqaammut akissut nr. 145

Asasara Hans Aronsen

Apeqqutinnut qujanaq. Tulliupput apeqqutinnut akissutit.

Apeqqut 1: Nunatsinni meerartatta ilikkariartornerat aalajangersimasumik ilisimatarnikkut malinnaaffigineqarpa?

Akissut: Naalakkersuisut PERORSAANERMIK ILINNIARFIK/ SPS-imit ilisimatinneqarput, ilinniarfiup isumaginninnerup iluani ilisimatusarneq ingerlaavartumik malinnaavigisaraa. PI/SPS Meeqquerivitsialaap piviusunngortinniarnarata aallartinneraniilli pineqartup iluani ilisimatusarnermut inerisaanermullu ingerlaavartumut peqataavoq, aamma perorsaarnikkut tunngaviit 7-it pillugit ilinniusiornermut akisussaasimalluni, taamatullu killiffinni tamani – qitiusumik siammasissumillu ilinniakkani - ilisimatusarnerup nutaanerpaap ilinniartitsinermut ilaatinnessaa isumagalugu.

Apeqqut 2: Ilisimatusarnikkut paasisat nutaanerpaat atuarfinni ilinniarfinnilu allani toqqaannartumik atornerqarpat?

Akissut: Naalakkersuisut Ilinniarfissuarmiit ilisimatinneqarput, Ilinniarfissuarmi ilinniartitsisutut ilinniarnaq aamma Inerisaavimmi suliamut tunngasutigut inerisaaneq nalilersuinerlu ilisimatusarnermik tunngaveqartut. Ilinniartitsinerup imarisai ilisimatusarnikkut paasisanut nutaanerpaanut naapertuupput. Ilinniartitsisoq ilisimatusaqatigiinnut ilaasarpog, ilisimatusarnermillu ingerlataqartunik suleqateqartarluni. Ilisimatusarnermut ilaapput ilisimatusarnermi atuakkianik ujarlerneq, tunngaviit periutsillu apeqqusersornerat, ilisimatusarnikkut misissueqqissaarnerit, nammineq ilisimatusarnermi angusanut allallu angusaannut naleqqiullugu qanoq atornerqarsinnaaneriniq nalilersuineq, unamminartut paasiniaqqissaarnerat aamma ilisimatusarnermi apeqqutissanik oqaasertalersuineq, ilisimatusarnermi periusissanik ilusilersuineq, paasissutissanik katersineq, paasisanik misissueqqissaarneq, teoriit tunngavigalugit misissueqqissaarneq, ilisimatusarnikkut oqallinneq ilisimatusarnermillu siammaassineq. Maannakkorpiaq Ilinniaatsinut Institutimi ph-d-nngorniat pingasuupput, taakkualu ilisimatusarpaat Kalaallit Nunaanni atuarfinni Pinngortitalerinermik ilinniartitsineq, Kalaallit Nunaanni ungasianiit ilinniartitsineq, aamma Kalaallit Nunaanni meeqqat inuusuttullu akornanni inuttut qajannaassuseq uumisaa-risanginnerlu. Ilisimatusarnikkut angusaasut tamarmik tamanit atuarneqarsinnaasunngorsarlugit saqqummiunneqartarput, atuarfiillu namminneq aalajangissavaat ilisimasat nutaat siunertamut naapertuuffiisigut atorumanerlugit.

03. september 2014
Sagsnr. 2014-102787
Dok. Nr. 1683109

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

Apeqquut 3: Professorii Ilinniarfissuup atorfinitsinnikuusaa suleriva?

Akissut: Professor Karen Wistoftip suliaasai pingaernerit makkuupput: I) Ilinniarfissuarmi ilinniartitsisunik Inerisaavimmilu perorsaaniikkut sulialinnik tapersersuineq aamma Kalaallit Nunaanni atuarfimmuut tunngatillugu nammineerluni ilisimatusarnikkut siammaassinikkullu suliniuteqarnissaq; II) ph.d-nngorniat pingasut ilitsersornissaat; III) Ilisimatusarfiup adjunktinut pædagogikummi ilinniakkatigut pisortaallunilu ilinniartitsineq; IV) Ilinniarfissuarmi Inerisaavimmi Ilimmarfimmilu ullunik perorsaanermut tunngasunik qulequtaqarluni ingerlatsiffiusunik ingerlatsineq; V) Pisortanik kiffartuussineq; VI) Nammineerluni perorsaaniikkut ilisimatusarneq; VII) kandidatinnngornianik ilinniartitsilunilu ilitsersuisuusinnaaneq.

Apeqquut 4: Ukiut kingulliit qulit Nunatta aningaasalersugaanik ph.d-nngor-tartut qassiuppat, taakkunanngalu qassit kalaallisut oqaase-qartuuppat?

Akissut: Ilisimatusarfiup ilisimatitsissutigivaa, 2014-ip tungaanut Ilisimatusarfimmi ph.d-nngorniat tamarmik tamakkiisumik ilaannakortumilluunniit avataaniit aningaasalersorneqarsimasut. Avataaniit aningaasalersuinertut pineqarput qanga KVUG-mik taaneqartartup aningaasalersugai (maanna ataatsimoorullugit aningaasalersukkat, Pinngortitaleriffimmit aqunneqartut. Ilisimatusarfik ukiut kingulliit qulit 19-inik ph.d.-nngorniarfik ilinniartoqarpoq, taakkunanngalu 9 kalaallisut oqaasiliupput. Maannamut arfinillit Ph.d-nngornikuupput, taakkunanngalu ataaseq kalaallisut oqaasiliulluni ataaserlu ilaatigut kalaallisut oqaasiliulluni.

Pinngortitaleriffimmut atatillugu ukiuni kingullerni 10-ini 19-it ph.d-nngornikuunngikkunik ph.d-nngorniarfik ingerlapput, taakkunannga 12-t ph.d-tut naammassipput, taakkunanngalu marluk ilaatigut kalaallisut oqaasiliullutik.

Peqqissutsimut Pinaveersaartitsinermullu Aqutsisoqarfimmi, Peqqissutsimut Aqutsisoqarfiup ilisimatitsinera naapertorlugu, ukiuni kingullerni qulini ph.d-nngorniat 7-usimapput maannalu kalaallisut oqaasilik ilinniartoq ataasiulluni. Ukiut kingulliit qulit ingerlaneranni sisamat ph.d-tut naammassipput.

Artek-ip paasissutissiinera naapertorlugu ph.d-nngorniat tamarmik avataaniit aningaasalersugaupput. Ukiuni kingullerni qulini arfinillit ph.d-tut naammassipput, Artek-illu ilimagaa ukiariartorerani aamma allat pingasut naammassissasut. Ullumikkut ph.d-nngorniat arfiniliupput, taakkunannga ataaseq kalaallisut oqaasiliuvoq, taannalu kisiartaalluni inuutissarsiutinut tunngasumik ph.d-nngorniarfuuvoq Kalaallit Nunaannillu aningaasalersorneqarluni, sulilu ph.d-tut inaarutaasumik suliani ingerlallugu.

Inussiarnersumik inuulluaqqusilluta
Med venlig hilsen



Nick Nielsen